

王

國

典

禮

王國典禮卷之五

奉

勅督理宗學 周府宗正勤美編集

慶祝

附表箋  
進貢

更定表箋式

慶祝禮儀洪武卅八年定凡遇

聖節及正旦冬至節日行告祝

天地禮其日設香案於露臺上設

王拜位於案前文武官拜位於丹墀之東西

王冕服就位各官具朝服隨班四拜

王詣香案前跪衆官皆跪

王致詞

某王臣某荷

國厚恩安享祿位皆賴天生我

君保民致治茲逢

元旦

長至

聖節

聖壽益增臣某下情不勝忻躍感戴之至俯伏

興復位衆官皆俯伏興又四拜禮畢

凡遇

中宮壽日

王冕服

妃具禮服設香案於內宮門露臺上行告祝  
天地禮先四拜興

王詣香案前跪告祝訖俯伏興復位又四拜  
禮畢不用樂百官不隨班

凡遇

東宮壽日行告祝禮

王皮弁服百官具朝服隨班行禮

儀同前

弘治五年奏定

郡王將軍凡遇拜賀

聖節等項各照爵職崇卑立班行禮

嘉靖六年題

唯郡王管理府事凡遇

聖旦正旦冬至等節鎮巡等官於布政司行禮

其管理府事

郡王率各

郡王將軍中尉儀賓教授等官於本府行禮  
表箋

進賀表箋洪武十八年定凡遇正旦冬至  
預期進賀表箋

萬壽聖節預期進賀表文俱行十二拜禮其日  
清晨設

龍亭於正殿中設儀仗大樂於露臺西設表箋  
案於

龍亭前設香案於表箋案前進表箋使者立於  
香案東捧表箋官立於香案西設香案亭  
於承運門中道設

王拜位於露臺上百官拜位於丹墀

王冕服就位百官朝服隨班讚班齊讚鞠躬  
樂作四拜平身樂止引禮啟請

王詣香案前跪讚百官皆跪執事者以表箋  
跪授

王王受以授使者使者跪受置 龍亭訖俯

伏樂作興樂止復位讚鞠躬樂作四拜平身樂止啟請

王揖圭讚百官揖笏鞠躬三舞蹈跪山呼者三啟出圭讚百官出笏俯伏樂作興又四拜樂止禮畢儀仗鼓樂前導百官朝服送至郊外

王送至宮城門就回護衛官從

王還宮

凡遇特進



中宮箋文

王冕服百官朝服隨班行十二拜禮陳設如  
前儀班齊四拜啟

王詣香案前跪百官皆跪執事者以箋跪授  
王王受以授使者使者跪受置龍亭訖俯  
伏興復位再行八拜禮畢不必舞蹈山呼  
凡遇特進

東宮箋文陳設如前儀

王具皮弁服百官具朝服隨班行四拜禮啟

請

王詣香案前跪百官皆跪執事者以箋跪授  
王王受以授使者使者跪受置龍亭訖俯  
伏興復位又四拜禮畢

天順六年奏定

郡王同居一城者從尊屬拜進表箋卑屬隨  
班行禮其另居一城者照例各自拜進  
凡表箋

親王於

會典

天子前自稱曰第幾子某王某稱

天子曰

父皇陛下稱

皇后曰

母后殿下若孫則自稱曰長孫某封某第幾孫

某封某稱

天子曰

祖父皇帝陛下稱

皇后曰

祖母皇后殿下若

天子之弟則自稱曰第幾弟某封某稱

天子曰

大兄皇帝陛下稱

皇后曰

尊嫂皇后殿下若

天子之姪則自稱曰第幾姪某封某稱

天子曰

伯父皇帝陛下

王國公卿  
叔父皇帝陛下稱

皇后曰

伯母皇后殿下

叔母皇后殿下若封王者其分居伯叔及伯叔

祖之尊則自稱曰某封臣某稱

天子曰

皇帝陛下稱

皇后曰

皇后殿下若從孫再從孫三從孫自稱曰從孫

某封某再從孫某封某三從孫某封某稱

皇帝曰

伯祖皇帝陛下

叔祖皇帝陛下

皇后曰

伯祖母皇后殿下

叔祖母皇后殿下

祖訓係  
今不敢用

嘉靖十一年禮部題

淮王府慶賀奏疏凡

皇帝表文例稱

聖旦奏疏稱

萬壽聖節

皇太后壓于

太皇太后表文例稱令旦不壓于

太皇太后亦稱

聖旦奏疏稱

聖節

皇后表文例稱壽旦奏疏稱令旦著爲式

聖旦

十六年題

准凡

王府奏進慶賀謝

恩疏及表文但稱

聖號不許用家人禮

更定表箋凡

聖節正旦冬至洪武間定

第某子某王某

今作某王臣某

誠懽誠忭

稽首頓首上言



伏以

皇天眷命統馭萬方

聖治神功臣民懽戴恭惟

皇帝陛下續承

列聖奉

天勤民是以

本支繁盛而

宗社永安也

臣

某恪守藩邦忻逢

聖旦

正旦長至心馳遙賀敬仰

紫宸祝

聖壽於萬年同

天長而地久無任瞻

天仰

聖激切屏營之至謹奉表稱賀以

聞

某年某月某日第某子某王某謹上表

中宮壽旦正旦冬至宣德間定

伏以

天眷

聖明萬年盛業

中宮正治協相洪猷敬惟

皇后殿下懋嗣徽音弘昭令範仁慈施於宮壺

懿德著於邦家是以

宗廟奠安而

本支蕃衍也

臣

某屬籍親藩忭逢

壽旦

正旦長至

肅班行而敬拜祝

寶算以齊

天無任瞻仰激切屏營之至謹奉箋稱賀以聞

東宮千秋節正旦冬至

伏以

天眷

皇家茂隆

大本前星協應四海歸心敬惟

皇太子殿下

天錫英資日新聖學懋德祇承於

謨烈重明翊讚於治平是以

宗社奠安臣民咸戴也臣某奉守藩邦忻逢

誕辰

正旦仰  
長至

春宮而稱頌祝

壽算於千秋無任瞻仰激切屏營之至謹奉

箋稱賀以

聞

太皇太后聖旦正旦長至

弘治初定

伏以

天祐

皇明衍慶源於萬世位高

宸極溥德澤於八紘臣庶懽忻華夷仰戴恭惟  
聖慈仁壽太皇太后陛下

睿知聰明

齊莊中正同任姒之至聖輔文武之治功德  
化昭明謀謨廣大是以

宗社奠安

本支隆盛而建家國天下悠久之福也臣

某叨守外邦茲逢

聖旦

正旦長至

謹秉誠心馳遙賀於

九重祝齊

天之萬壽無任瞻

天仰

聖激切屏營之至謹奉表稱賀以

聞

皇太后壽旦正旦冬至

伏以

景運弘開重熙累洽實資坤德之懿允開  
邦本之隆海內臣民不勝懽戴恭惟

皇太后陛下聰明端淑恭儉慈祥夙讚理於  
宮闈克迓承於

天眷遂啟嗣統之瑞聿興致治之光是以誕膺  
徽號而享盛福於悠久也臣某叨守外邦忻  
逢

令旦

正旦  
長至仰

九重而拜賀祝



萬壽以維期無任瞻仰激切屏營之至謹奉表  
稱賀以

聞

嘉靖二十七年定凡

郡王同城無

親王者若遇

聖節等禮輪遞尊行著爲定例

進貢

凡進貢禮物弘治十七年題

凡遇

萬壽聖節千秋正旦冬至節各

王府許進禮物馬匹慶賀每節差人止許一起其餘如扇鮓之類俱不必進如差人過多自備腳力回還不許應付

正德四年議定各

府庶人不許越分進貢

嘉靖八年奏定各

王府進貢馬匹務將毛色齒歲備細造冊送

國典卷之三  
部禮部委官一員照冊看驗分別等第送

鴻臚寺類進會典

各

王府進貢舊例

周府進山藥石榴乾魚

麀

肅等府進馬

蜀府進扇

益府進花各從本國舊例

勤美曰詩有之虎拜稽首天子萬年故臣  
子祝

君之忱所必殫也今

諸侯王卽不得伏謁

交戟而設

位稱慶遥休

天威庶幾咫尺之想乎以此思敬誰復齒于而

國者令丙各藩畢

獻方物服食器用豈尚方必需此也儀取及

物芹曝之意遠矣故附記之

入覲

附宣召

朝儀

接夷

途謁

凡

親王每歲朝覲不許一時同至務要一一  
王來朝還國無虞信報別

王方許來朝諸

王不拘歲月自長至幼以嫡先至嫡者朝畢  
方及庶者亦分長幼而至遇而復始毋得  
失序

凡

諸王居邊者無警則依期來朝有警則從便  
不拘朝期

凡

天子與

親王雖有長幼之分在

朝廷必講君臣之禮蓋

天子之位卽

祖宗之位宜以

祖宗所執大圭於上鏤字題曰奉天法祖世世

相傳凡遇

親王來朝雖長於

天子者

天子執相傳之圭以受禮蓋見此圭如見  
祖考也

凡

諸王來朝祭祀辦與未辦先常服見

天子三叩頭不拜

奉天殿見畢不拘何殿樓閣門下

天子執大圭

王具冕服叙君臣禮行五拜三叩頭見畢

諸王係尊長

天子係姪孫引

王至何便殿

王坐東面西

天子衣常服叙家人禮行四拜不叩頭

王坐受然雖行家人禮君臣之分不可不謹

天子居正中南面坐以待尊長次見



東宮行四拜禮如

王係尊長

東宮答拜

凡

親王係

天子伯叔之類年踰五十則不朝世子代之孫  
姪之輩年踰六十則不朝世子代之

凡

親王來朝若遇大宴會

王國典禮 卷之三  
諸王不入筵宴中若欲筵宴於便殿去處精  
潔茶飯叙家人禮以待之群臣大會宴中  
王並不入席所以慎防也

凡

親王每歲來朝自備飲膳其隨從官員軍士  
盤費馬匹草料俱各自備毋得干預有司  
恐惹事端

凡

親王入朝以

王子監國

凡

親王入朝其隨侍文武官員馬步旗軍不拘  
數目若

王恐供給繁重斟酌從行者聽其軍士儀衛  
旗幟甲仗務要鮮明整肅以壯臣民之觀  
凡

親王來朝預先具奏有

旨免來則寫書報

玉

凡

朝廷

新天子正位

諸王遣使奉表稱賀謹守邊藩三年不朝許  
令

王府官掌兵官各一員入朝如

朝廷循守

祖宗成規委任正臣內無姦惡三年之後

親王仍依次來朝如朝無正臣內有姦惡則  
親王訓兵待命

天子密詔

諸王統領鎮兵討平之旣平之後收兵於營  
王朝

天子而還如

王不至而遣將討平其將亦收兵於營將帶  
數人入朝

天子在京不過五日而還其功賞績後

三國史記  
頒降

祖訓俱

洪武十一年定

凡

親王來朝具冕服見

天子畢次見

東宮引禮官導

王由

文華門東門入至

文華殿前西向立

東宮具冕服執大圭詹事府官六員導出陞座

東宮官左右侍從引禮官引

王就拜位行四拜禮

東宮坐受畢

東宮與

王俱衣常服至後殿序家人禮

洪武二十八年重定

諸王來朝具冕服見

天子畢入見

東宮已有定儀其叙家人禮

王及

東宮俱常服引禮官請

王由

文華殿東門入至後殿

王西向坐

東宮東面讚禮官讚四拜

王坐受相見禮畢叙坐則



東宮正中南面

諸王列于東西時

諸王皆

東宮叔父故復有是議也

洪武間

命

親王到京文武百官於奉天門東廊下參謁  
洪武二十八年定凡

鎮國將軍與駙馬公侯文武官相見鎮國將

軍居左駙馬儀賓公侯居右平行兩拜禮  
若文武一品至三品官見之亦行兩拜鎮  
國將軍居中答拜四品以下官行禮鎮國  
將軍坐受之若相遇於道駙馬公侯儀賓  
向右讓道而行文武一品至三品官引馬  
側立候其過乃行四品以下則下馬其於  
內庭出入皆由左門

永樂間更定由右門

稱呼則曰

官人言語則曰裔旨

洪武實錄

永樂三年定自今

親王來朝初至及將歸宴於

華蓋殿閒暇就宮中會宴以綏親親之情

永樂八年定

親王宴于

文華殿

郡王宴于兩廡

永樂二十二年

靖江王府輔國將軍讚偕來朝班朝臣之下

成祖顧見之

論鴻臚寺臣曰讚似兄弟雖朕姪然

宗親豈宜過列疎遠其令班於駙馬都尉之

次著爲令

永樂實錄

正德四年題

親王朝

覲雖載

祖訓

英廟之時亦嘗一舉然久已不行以後並免著

爲令

會典

宣召

凡

親王及嗣子或出遠方或守其國或在京城  
朝廷凡有宣召或差儀賓或駙馬或內官賚持  
御寶文書并金符前去方許起程詣

闕

凡封

諸王

朝廷置立金符五面內一面陰字者付

王收掌四面陽字者藏之

朝廷遇有宣召或調撥兵馬飛報機密重事則遣親信人員齎此信符并

御寶文書

王府勘同隨卽奉行其陽字四面內有暗號

次序

朝廷依次發行如或次序參差對勘不合卽將

去人收管差親信人至

御前奏

聞取

旨所以示大信備不虞也

祖訓俱

朝儀

親王在京朝禮

洪武初定正旦冬至日

上位

中宮陞

乾清宮御座侍從導引如常儀引禮引

親王及妃詣

上位前讚禮鞠躬四拜

王鞠躬四拜平身

妃四拜讚禮引

王詣前讚跪

王跪引禮讚跪

妃跪致詞稱賀讚禮讚俯伏興平身

王俯伏興平身引禮讚俯伏興平身

妃興讚禮引

王復位讚鞠躬四拜

王鞠躬四拜興平身



妃四拜禮畢引禮引

王及妃詣

中宮前讚禮讚鞠躬四拜

王鞠躬四拜興平身

妃四拜讚禮引

王詣前讚跪

王跪引禮讚跪

妃跪致詞稱賀讚禮讚俯伏興平身

王俯伏興平身

妃與讚禮引

王復位讚鞠躬四拜

王鞠躬四拜興平身

妃四拜禮畢引禮引

王及妃皆出

洪武七年更定不致詞止行八拜禮

洪武二十六年定各

王大朝行八拜禮常朝一拜叩頭禮俱會典

又定

親王賜坐殿上坐墩之制以青爲質繡螭螭

雲花爲飾實錄

接夷儀注

洪武二年定

蕃王見

親王接伴舍人引見

親王前期

王府官設

王座於正殿東稍北西向蕃王座於殿西稍

南東向蕃王拜位於殿門外北向內讚二人位於殿上之東西承傳二人位於殿門外之東西接伴舍人位於內讚之南東西相向引從官二人位於拜位之北

王府官侍立位於殿上左右俱東西相向是日所司陳儀仗於殿之東西蕃王至

王府門外執事者先入就位

王皮弁服出陞座蕃王至殿下由西階升王降座出迎於殿門外旣見

王府官引

王由中門入舍人引蕃王由西門入各就拜位讚拜蕃王再拜

王答拜就座蕃王亦就座引班引蕃王從官就拜位皆四拜禮畢蕃王詣

王座前

王降座蕃王舉手揖畢

王還府蕃王出

王府官送至門外

會典今不行

途謁儀注

親王朝

梓宮儀注

嘉靖十七年定

大行皇太后梓宮經過有

王府去處許

王率領宗室素服出城奉迎致祭有司官先  
具幕次於席殿西

王候

梓宮至跪迎道傍該府官預陳設祭物於席殿  
內讚唱就位鞠躬拜四拜興讚詣

靈駕前跪上香訖復位跪奠帛初獻爵讀祭文  
亞獻終獻畢讚四拜興平身焚祝帛禮畢  
梓宮行

王辭讚拜四拜興候道傍

梓宮過退還府

一

王府附近去處遣輔導官致祭先於席殿陳

設祭物候

梓宮至執事官讚拜四拜興讚詣

靈駕前跪上香畢復位跪奠帛三獻爵讀祝文  
俯伏興四拜興焚祝帛禮畢

嘉靖實錄

親王朝

行歿儀注

嘉靖十八年題

唯

聖駕將至



王具常服預出郊候

駕

駕至則立迎道側俟

駕過乃退

上御行殿

王朝服入朝鴻臚寺官引

主由殿左門入至拜位鴻臚寺官代

王致詞行五拜三叩頭禮復引

王由殿左門出

上降旨慰勞列宴 賜之

王具疏以謝已復

欽定儀注示禮部云凡

親王迎接去處命公侯及閣臣左右從行并  
王朝見處殿內侍班凡

親王迎接已

命文武大臣待于途

王于道傍拱立文武大臣下馬侍

上左右禮部尚書跪奏云某王某恭迎

聖駕見內侍官引

王至

駕前跪行叩頭禮禮部尚書進立于

上前候

旨承 旨訖起立傳 旨

王隨行至行宮

上入少憩

王具冕服文武大臣于殿內左右侍從從官

于丹墀東西侍班候

上陞座鴻臚卿引

王由殿左門入至拜位讚行五拜三叩頭禮畢內侍官引

王於列次少候從官叩頭如常儀鴻臚卿跪奏禮畢

勤美曰

聖祖時

朝廷于

藩國情意周洽無忌無虞故有來朝之儀習

爲恒舉

仁宣以後此禮廢矣天順中間一行之旋亦報罷攷

祖誠

諸王入見

天子役騎樸芻皆取自辦郵傳無輿焉故輜輶所臨民不病之不然者舟車雲集受衛星羅關行宮而卽次郡邑胥奔命焉旬人候館其曷支乎然則

列朝此禁故非厲也

奏事

凡

王遣使至

朝廷不須經由各衙門直詣

御前敢有阻當者卽是奸臣其

王使至

午門直門軍官火者火速奏

聞若不奏

正統九年令各

郡王奏事以所奏事理先令長史司啟

親王知叅詳可否然後出批付令奏

聞惟機密事不在此例

弘治十三年申定各

郡王并將軍中尉凡有奏請先令長史司

具啟

親王知會叅詳可否若應該具奏者然後給  
批差人齎奏如違該衙門將齎奏人員并



教授一體參究其所奏事件仍行長史司  
具啟

親王查勘參詳明白具奏方纔施行若機密  
重事或與

親王事有干涉及

郡王分封相離寫遠不在一城居住者許令  
徑自具奏本府將軍以下俱啟

王代奏若事與

親王無干不係機密重情無故驀越具奏者

所司備查前例上

請區處若已經叅詳奏行勘問未結重復奏擾  
卽將奏詞立案不行

嘉靖七年禮部題王府事例成憲具存而  
亡賴奸人乃有假請託以給物者使宗室  
有越分妄求之愆有無辜妄費之怨所求  
遂則利歸群小不遂則怨歸公朝請將正  
德四年本部題准

累朝政令及改元以來事干宗室擬議奏行可

爲定例者併查附錄刻成一書頒行天下  
王府知會凡有襲爵

請封 請名夫人儀賓故絕王爵乞封妾媵等  
事欲具奏乞恩者長史教授查例而行春  
秋二季遣官類奏不合例者卽爲諫阻仍  
前將碍例事情奏擾罪坐長史教授并撥  
置之人其差人誑帶財物者俱聽緝獲送  
回照例發遣

嘉靖二十年

詔各

王府一應不急之務俱各差人類奏

凡

郡王將軍中尉等有應奏事理卽於春秋具

啟本府

親王轉奏其緊急事務仍依舊制

各

王府公差人員到京除該引見者照舊外其  
不在常例者俱赴鴻臚寺報名謝

恩見辭

俱會典六

嘉靖二十二年禮科都給事中劉大直等  
奏近日各宗室章奏煩囂多出奸徒接充  
撥置營差入奏厚齎金帛潛住京師例外  
比例恩外乞恩謀畫萬端期于必得徃徃  
借口關節侵牟無算欺蔽宗室汚辱朝士  
請嚴爲禁例

上是其言令

諸王以後務自點檢戒諭宗室敬遵

祖訓一切事宜必與令甲相合方許遣奏如有  
法外乞恩再三奏瀆者所司卽劾奏之其  
奏使事竣不還延至半月以上者捕治不  
貸

四十五年

詔鴻臚寺自後各

王府以訐愬等項私事至者先將齎奏人役  
簿錄在京俟 命下之日查有奸弊卽拘  
送法司問罪其以進表公事至者事畢而

勒限出京不許潛留探伺

驛傳

親王之國

勅符事號赴

內閣謄寫其底簿付印綬監照收

凡

親王府各給船馬符驗六道以供

王遣使奏報所用

會典

洪武二十八年令

王府公差人員但係尋常事務及各

王禮節往來並不許馳驛有擅應付及假以  
軍情爲由馳驛者處死

洪武三十五年令

親王之國隨行內外官員及有執事旗校厨  
役人等沿途有司應付口糧本府駕馬騾  
及護衛官軍下隨侍馬匹應付草料隨侍  
官軍回還亦准支

一各



王府差人赴京奏事者唯順賁本府  
勅書支廩給應付雙馬站船到彼住起

一各

王府內使內官奉

欽依往本府應役支廩給應付雙馬每名各帶  
家人二名支口糧應付驛驢各一頭撥車  
各一輛到彼住起

一禮部題差各

王府內使內官伴送各

王妃妾并男女回府內官支廩給應付下等馬一匹水路站船

王妃等俱支口糧驢各一頭

一各

王府差人春秋類奏止許一人官支廩給并官支口糧應付驛驢一頭紅船一隻往回應付

一凡

親王差人進表進貢慶賀止許一官二旗其

郡王差人進表進貢慶賀止許一官一旗官  
支廩給旗校支口糧應付驛驢紅船以後  
若遇二三差者因所給勘合有限并填一  
道者回還之日查其所差人數填給應付  
一各

王府差人關領銘旌鳳鈎冊印寶匣儀仗等  
項官支廩給旗校支口糧應付驛驢紅船  
關領物件驗扛撥夫

凡各

王府進貢等項成化五年准令差內外官一  
二人護扛軍校一二名扛多者不過五名  
凡

親王乞

恩等項成化六年奏定每歲春秋各一次差人  
馳驛類奏

成化十六年奏定各處

親郡王府差儀賓等官進表箋進貢繳  
勅謝恩等項重事及乞恩回奏繳冊圖等項

不急常事俱支廩給非官者支口糧

嘉靖十一年題

准各

王府有符驗除機密重情徑自起關應付其餘各

王府進貢類奏等項應給關支者赴巡撫都御史無巡撫處赴巡按御史查倒無礙方許掛號應付

三十七年題

唯

王府勘合舊例俱赴各該撫按衙門告領今  
議路隔遠者

親王不過十二道不甚遠者

郡王皆止七八道俱咨行彼處巡撫衙門每  
年總給長史教授官收貯候用

三十九年題

唯

親王初封之國編印勘合一百道送長史收

貯應用完日照例移文另行印給  
凡

親王之國嘉靖四十年題

唯供用膳饌及隨從廩給各有字號景府例供用膳饌二

分宮字號廩給三十九分官字號廩給一百七十分文字號廩給三十二分武字號廩給三十九分校字號廩給六百分軍字號廩給一千一百分匠字號廩給一百分

并各號合用車輛船隻人夫等項各照原號每號給與印信長單一張備關官役職名應支廩糧數目逐一填入單內類奏散給

萬曆二年議定凡

宗藩勘合許各

王府差來員役執批告領本司驗批給發即  
于封袋上填註發行日月及姓名期限仍  
置立文簿登記

凡

親王之國及鎮守巡撫等官奏請符驗俱從

兵部奏行本司覆奏關領

俱會典

永樂中

成祖賜晉王濟

書

曰比有自山西來者言爾



弟濟玄數以圖書擅給驛馬我國家恩制遇急務以符驗給驛馬無符驗而擅給者有罪爾爲之長兄宜善諭之使奉法循理永保富貴庶不辱前人爾有受弟之譽朕亦不失親親之道 實錄

### 賞賞

凡早朝

王府公差人員見辭奉

旨與酒飯俱光祿備辦祇待

凡

王府差來進表箋人員每人賜盤纏鈔一錠

各

王府差來進禮物人員二十錠其

王府內外官員每員別給綵段一表裏

蜀王府進扇差來人賞鈔五百貫

凡

王府差來人員常例下程一次鵝二隻鷄二

隻酒五瓶米五斗蔬菜厨料會典

勤美曰

洪武時 親王奏事直至

御所今一切慶賀表章例由鴻臚而它實封諸  
銀臺不復徑達矣出納惟允未必非  
諸藩之福也至使人猶有賞勞則親親異數  
于是乎在

宴饗

凡大宴禮儀洪武十八年定

其日設

王座于存心殿設酒亭于座西南膳亭于座  
東南設文武官四品以上座次于殿內東  
西相向酒尊食卓于殿外五品以下座次  
于兩廊設細樂于殿內大樂于殿外典儀  
啟請陞座

王服常服出樂止引禮引文武四品以上官

及長史詣殿內五品以下殿外列班北向  
讚鞠躬樂作四拜樂止進筵有花則進花  
進訖樂止色長跪啟一奏喜千春之曲次  
唱樂作進第一爵酒讚各官跪色長跪唱  
進酒飲訖樂止讚衆官俯伏興就座執事  
者進各官卓樂止有花則散花樂止色長  
跪啟承應畢進第二爵酒色長跪啟二奏  
永南山之曲各官起立斟酒畢復坐執事  
者隨斟各官酒色長跪唱進酒飲畢樂止

進湯鼓吹響節前導至殿外大樂作各官  
起立進畢復坐執事者卽供各官湯色長  
跪唱進湯樂作食畢樂止色長跪啟承應  
畢進第三爵酒色長跪啟三奏桂枝香之  
曲進酒進湯如前儀色長跪啟承應畢進  
第四爵酒色長跪啟四奏初春曉之曲進  
酒進湯如前儀色長跪啟承應畢進第五爵  
酒色長跪啟五奏乾坤泰之曲進酒進湯  
如前儀色長跪啟承應畢進第六爵酒色

長跪啟六奏昌運頌之曲進酒進湯如前  
儀色長跪啟承應畢進第七爵酒色長跪  
啟七奏泰道開之曲進酒進湯如前儀畢  
收爵進湯及大膳如前儀畢收膳色長跪  
啟承應畢讚徹案自下而上讚起文武官  
如前列班樂作四拜樂止分東西序立典  
儀跪啟禮畢樂作引

王還宮樂止各官以次出常宴五爵禮儀同  
凡遇正旦

禮節

王壽日設宴用花餘宴不用

二十五年令僉事係方面官許入殿坐於

長史之上

俱會典

大樂

凡樂工樂器洪武初定

王國宗廟樂生三十六人鐘磬各一瑟二琴  
八埙篪簫笛各二笙四祝敔各一搏拊二  
歌工八舞生七十二人文舞三十六人各



執羽籥武舞如文舞之數各執千戚中各以二人爲引

又定

王府樂工例設二十七戶於各

王境內撥與供用

十五年定樂工樂器冠服之制凡朝賀用大樂樂工二十七人樂器用戲竹二頭管四笛四杖鼓十二大鼓一花梨木拍板一冠服用紅絹彩畫胸背方花小袖罩袍有

花鼓吹冠錦臂鞢皂靴抹額用紅羅彩畫  
束腰用紅綃宴禮七奏樂樂工八人樂器  
用紫竹簫二紫竹笙二簫二花梨木拍板  
一冠服同前迎膳大樂樂工八人樂器用  
戲竹二笛二杖鼓二小鼓一花梨木拍板  
一冠服亦同前其餘樂工冠服用綠綃彩  
畫胸背方花小袖單袍無花鼓吹冠抹額  
以紅綃彩畫束腰以紅綃

正德四年奏定

王府樂舞生照例將有度牒無過犯進士補  
充不足於黜退生員內選補禮生取附近  
相應人戶或黜退生員選補不許過額如  
有富民額外營充謀避差徭者事發問如  
律

嘉靖三十三年

樂安建安弋陽江西三郡府給樂工十二戶  
每府分管四戶以備祭祀遇有迎接  
詔勅及進賀表箋則十二戶通行供事毋致逃

竄永不撥補

嘉靖四十四年議定各

王府有廣置女樂淫縱宴樂或因而私娶花  
生濫封今後合行裁革如遇迎接

詔勅拜進表箋朝賀宴享等項卽于本府吹鼓  
手教演充用

益府奏題今改復舊制

萬曆七年例

郡王原無撥給樂工不許妄援奏討其另城  
郡王如遇迎接

詔敕等項行禮許有司撥送吹鼓手十二名應用事畢卽回原州縣當差

萬曆十年議准改正樂工凡

親王迎接

詔勅及朝賀宴享合用樂工各該布政司遵照會典所載原額查將先年各府退出數內撥還二十七戶聽候供用但不得狎近女樂致有花生冒濫之弊

俱要例

樂章

宗廟

迎神

翕清之曲

天錫厥祥本支蕃昌守茲方國自我

先王廟祀孔嚴祠享有常昭格式時綏惠無

疆

初獻

純清之曲

惟

王令德顯承

皇社受此家邦克綏孫子享祀孔時黍稷芳旨

昭茲孝誠聿來咸喜

亞獻

皦清之曲

荷

皇祖德受此封國

先王有慶承其懿澤風馬雲車來享來格孝  
思弗遑永永無斁

終獻

繹清之曲

我躬何自

祖考之遺孰謂遠而降臨在茲祗承祀事式

展孝思庶鑒厥終無遽言歸

徹饌

協清之曲

孝思靡極祀禮有終靈不顧留瞻望忡忡  
鐘磬在懸俎豆潔豐庶弗遽遺錫福無窮

還宮

永清之曲

邦國乂寧祠事旣成禮儀無愆神鑒孔明  
旌旆洋洋陟降如生烝嘗終古孫曾是承  
社稷

迎神

廣清之曲



仰瞻兮神靈望雲旗兮奉迎駕鸞車兮如  
聞有聲儼來臨兮歆祀庶昭鑒兮衷情

初獻

壽清之曲

惟土惟穀兮民命攸資邦家享祀兮以報  
以祈莫居粒食兮功莫與夷敬陳俎豆兮  
神其鑒之

亞獻

豫清之曲

陳牲俎兮列粢盛神昭鑒兮赫厥靈表微  
衷兮再獻惟歆享兮予誠

終獻

熙清之曲

酒終獻兮神怡祥光霽兮壇壝神之靈兮  
在茲目瞻望兮如見之

徹饌

雍清之曲

三獻成兮徹豆籩愧菲薄兮心惓惓惟豐  
稔兮有年享報祀兮綿綿

送神

安清之曲

神既享兮心怡遙瞻送兮雲車回幡幢隱  
隱兮祥風吹荷神惠兮心永懷

望瘞

時清之曲

春祈秋報兮歲有常禮  
旣成兮廼瘞廼藏  
神功普兮祀不忘世  
世相承兮民樂康

山川

迎神

保清之曲

神之來兮揚靈氣  
氤氲兮充庭群神從兮  
森旗旌陳祀事兮瞻迎

初獻

中清之曲

高深氣通兮與天合靈  
升雲敷澤兮萬

生成捧牲帛兮酒旣盈物雖匪豐兮神鑒厥誠

亞獻

凝清之曲

胙土立邦兮百神效靈春秋祀事兮有常經神功大兮報莫能禮再獻兮表衷情

終獻

肅清之曲

神德著兮神功隆澤被生民兮時和歲豐酒雖終兮情無窮庶神明兮感通

徹饌

晏清之曲

俎豆徹兮獻已終  
旣歆享兮鑒微衷  
禮儀不備兮難報神功

送神

和清之曲

神來臨兮靈洋洋  
神之去兮靈旗翔  
中心思兮何日忘  
目遙瞻兮拜送顧  
斯禮兮有常

望燎

長清之曲

神車旋兮遙瞻望  
捧牲帛兮以燎以藏  
承祀事兮世守斯邦  
神垂惠兮民斯康

宴饗樂章

諸藩同

一奏

喜千春之曲

畫屋屏幃碧綠青紅殿階前排儀從相扶  
侍奉玉液瓊漿滿注金鍾喜意正濃獻琤  
飴快供喜樂筵在錦繡叢中滿殿春風

二奏

永南山之曲

恭勤忠信謹三綱孝義謙和順五常冕旒  
舉止排儀仗是英雄濟世王惜農時舉薦  
賢良外明威尊重內尊君悌長保安寧富

貴榮昌

三奏

桂枝香之曲

昔聖躬教訓仁慈武藝精嚴達禮明詩舉  
止軒昂才高爽利拔萃天資作藩屏持平  
擬砥志相和同氣連枝豪氣雄姿壯觀皇  
基躋躋蹒蹒英俊當時

四奏

初奏曉之曲

碧瓦琉璃翡翠樓掌扇當頭蝦鬚簾捲控  
金鉤繡幙香風透內臣每捧金甌曉光喜

氣神清秀見服章冠冕珠璣玉相輔列左  
右禮恭敬心中忠厚聽仙樂齊奏拜殿下賀  
千秋

五秦

乾坤泰之曲

人生務本仁慈鞠育當孝弟忠勤錦衣王  
食居方鎮爵位稱尊設禮儀撫軍保民貴  
封王列鼎重裋常篤敬惟行孝順誠可報  
深恩

六奏

昌運頒之曲



千載長藩屏壯喜樂筵列王相樂天樂韵  
聲嘹唳舉瑤觴奉親王

七奏

泰道開之曲

封親王鎮四海和九州配三才王葉金枝  
永列排理乾坤世界斟玉液酌瑤臺欽

聖上恩臨廣大敬東宮孝義心懷美名和

通濟民諧威遠鎮南蠻北貊大哉氣槩雄

威壯哉樂千載安榮嘉泰

此七奏樂章頗多謬誤蓋得諸

教坊傳誦之  
侯覓原本正之

永樂年

周府進駟虞

恩賜大樂七章

諸藩無

其一

建宗藩之曲

荷

祖宗德隆深啟皇圖天心順壯山河社稷永致

雍熙四海昇平振綱維法度彰美教化燹

倫正萬國咸和文明運建藩國拱衛朝

廷垂甘露景星藹祥雲瑞應千萬歲

海晏河清

其二

昭賢明之曲

建宗王撫大邦作藩屏爲保障伊瀍澗穀  
清輦洛轅轅壯寅畏奉皇綱恭順守彝章  
惠愛仁心廣賢明令聞彰馨香爲善能謙  
讓流芳東平後世仰

其三

感嘉祥之曲

孝弟德通于上天天降鑒無幽不顯神后  
山特產騶虞質白文玄應星躔配麒麟與  
鳳鸞千萬載當今來見則待要款金門王

墀進獻

其四

樂天倫之曲

古說騶虞應鵲巢  
揔不似見周郊賢王德  
行與神交合天道  
家國樂淘淘  
謙恭奉表  
思來効念天倫特  
重同胞奏鳳韶  
舉天樂  
開筵歡宴賞五色  
卿雲飄

其五

慶太平之曲

好風景民物總樂然  
同慶太平年  
賀嘉禾  
瑞麥滿良田  
騶虞降自天  
穹蒼特

把仁心顯天下士庶咸忻忭千秋萬歲王  
樓前錦山河煌煌花萼鮮

其五

保安和之曲

遍海宇仁恩曠蕩致雍熙物阜民康荷

祖宗皇明萬歲享福祿世世聯芳碧殿金鋪畫  
敞鳳舞鸞翔對嵩嶽王筆注瓊漿撫洛州  
絲管奏宮商及時歡樂樂悠長寶體安和  
壽無疆禮樂綱常人人盡仰千載神靈相

其七

鞏家邦之曲

論功賞分茅列土榮安寧萬里邊疆靜王  
廷千年福壽增

四奏 顯令名之曲 塞鴻秋 正宮

神孫聖子 先皇裔龍樓鳳閣封王貴金  
枝玉葉親兄弟茂膺景福皇明世頃刻不  
忘親至性合天意賢王大孝傳千世

五奏 輔景運之曲 醉太平 正宮

立朝廷大功建大節攄忠安民濟世氣豪  
雄天生義勇親王再得臨民衆奠安宗社

勲勞重丹書金冊受專封享皇家受用

六奏 樂天倫之曲 上玉樓 中品

親親弟兄怡怡天性父母劬勞骨肉深恩  
連氣分形無間情篤至誠王能和敬樂天  
倫萬年嘉慶

七奏 集鴻禧之曲 黃蕃薇 越調

光燦爛珠簾明繡幌氣氤氲金鼎裊仙香  
稱良辰天清氣朗盡水陸珍羞宴饗龍旆  
鳳節韻琳琅鸞簫象板按宮商金波玉液

蒲瑤觴賢王長慶賞千千載壽寧康

冰仙子

皇明宗社復尊安呼吸惟王舉足間攄忠  
揆義心無憚立奇功濟大艱應天心無黨  
無偏遂萬年軍民願保一家骨肉全萬古  
名傳

小梁州

天將智勇錫賢王靖國安邦潛心揆義濟  
時康丹書上功業永流芳榮分鹵薄天王



仗賜金鞍寶劒金鎗列管絃齊歌唱仙音  
嘹亮時曲奉新章

勤美曰

藩王體尊宴饗得用大樂永樂中

周府繇進騶虞

谷府繇獻都門

成祖別製樂七章錫之

寵數優特非諸王所敢望夫仁獸瑞物且神

后山在

先定玉境內故召太史作樂以鳴其異當時  
比之角祇若谷庶人當之有慙德矣孔子  
之不滿大武厥旨深哉

王國典禮卷之五終